

AATSF – Intesa Sanpaolo Albania Programi i Ndarjes së Riskut

Shteti:	SHQIPËRI
Numri i Projektit:	48681
Sektori i Biznesit:	Kredi depozituese (banka)
Tipi i Njoftimit:	PRIVAT
Kategoria Mjedisore:	Institucione Financiare
Data e Aprovimit:	23 Maj 2017
Statusi:	Firmosur
Publikimi i PSD:	25 Qershor 2025

Sipas seksionit 1.4.2 (iii) të Direktivës për Qasjen në Informacion: "Për Projektet e miratuara nga menaxhmenti i Bankës ku Bordi i Drejtorëve ka deleguar autoritetin e miratimit, PSD duhet të publikohet në fillim të periudhës përkatëse të njoftimit pa kundërshtime për një vend anëtar të Bankës në përputhje me Nenin 13 (iii) të Marrëveshjes Themeluese të BERZH."

Përshkrimi i Projektit

Një rritje prej EUR 5.0 milionë në portofolin e ndarjes së riskut për Intesa Sanpaolo Bank Albania (ISBA) në kuadër të Programit për Mbështetjen e Agrobiznesit dhe Turizmit në Shqipëri ("AATSF").

Objektivat e Projektit

Projekti synon rritjen e kapacitetit të ISBA-s për të ofruar kreditim për sektorët e agrobiznesit dhe turizmit, duke adresuar një hendek financimi në treg. Gjithashtu, 20% e rritjes së propozuar prej EUR 5.0 milionë do të mbulojë investimet që kualifikohen për Tranzicionin drejt Ekonomisë së Gjelbër (GET).

Ndikimi në Tranzicion

ETI 60

AATSF ofron financim për ndërmarrjet e vogla dhe të mesme (NVM) të lidhura me agrobiznesin dhe turizmin në mënyrë strategjike dhe gjithëpërfshirëse për të kapërcyer pengesat e ndryshme të aksesit në financim, duke mbështetur cilësitë e Qëndrueshmërisë dhe Konkurrueshmërisë.

Informacioni për Klientin

INTESA SANPAOLO BANK ALBANIA SHA

Intesa Sanpaolo Bank Albania (ISBA) është banka e 4-t më e madhe në Shqipëri (nga 11 banka), me një pjesëmarrje në treg prej 10.2% sipas totalit të aseteve në fund të T3-2024. ISBA është një bankë me rëndësi sistemike, e orientuar drejt korporatave dhe NVM-ve, me 54.3% të portofolit bruto të kredive të investuar në kreditimin e këtyre segmenteve.

BERZH Përmbledhja Financiare

EUR 20,000,000.00

Kosto Totale e Projektit

EUR 40,000,000.00

Vlera e shtuar

Vlera e shtuar vjen nga Projekti që adreson hendekun në financimin e disponueshëm për NVM-të në sektorët e agrobiznesit dhe turizmit. Mbulimi i Riskut të Humbjes së Parë dhe ndarja e riskut në bazë portofoli janë instrumente inovative në tregun shqiptar. Për më tepër, kontributi drejt ndërtimit të një ekonomie të gjelbër nëpërmjet lehtësimit të financimit të teknologjive me efikasitet më të lartë energjetik si në sektorin e agrobiznesit ashtu edhe në atë të turizmit mbështet më tej vlerën e shtuar të projektit.

Përmbledhja Mjedisore dhe Sociale

Bashkëpunimi Teknik

Informacion Kontakti i Kompanisë

Mirela Vangjeli

Mirela.Vangjeli@intesasnpaolobank.al

+355 68 40 47 314

www.intesasnpaolobank.al

Rruga "Ismail Qemali", Nr. 27 Tiranë, Shqipëri

Përditësimi i fundit i PSD-së

25 Qershor 2025

Ndikimi në Tranzicion

Për informacion të mëtejshëm lidhur me qasjen e BERZH ndaj matjes së ndikimit në tranzicion mund të lexoni këtu.

Mundësitë e biznesit

Për mundësitë për biznes ose prokurim, kontaktoni shoqërinë kliente.

Për mundësi biznesi me BERZH (që nuk lidhen me prokurimin) kontaktoni:

Tel: +44 20 7338 7168

Email: projectenquiries@ebrd.com

Për projektet në sektorin shtetëror, vizitoni Prokurimet e BERZH:

Tel: +44 20 7338 6794

Email: procurement@ebrd.com

Pyetje të përgjithshme

Mund të bëni pyetje specifike duke përdorur Formularin e pyetjeve të BERZH-it.

Politika Mjedisore dhe Sociale (PMS)

PMS dhe Kriteret e Performancës (PR) përcaktojnë mënyrën se si BERZH zbaton angazhimin e saj për promovimin e “zhvillimit të shëndetshëm dhe të qëndrueshëm mjedisor”. PMS dhe PR përfshijnë dispozita specifike në mënyrë që klientët të veprojnë në përputhje me kërkesat e zbatueshme të legjislacionit kombëtar për informacionin dhe këshillimin publik, si dhe të ngrenë mekanizmat e ankimit për të adresuar dhe lehtësuar zgjidhjen e shqetësimeve dhe ankesave të palëve të interesit, veçanërisht sa i përket përgjegjësisë mjedisore dhe sociale të klientit dhe projektit. Në raport të drejtë me natyrën dhe shkallën e riskut dhe ndikimit mjedisor dhe social të projektit, BERZH i kërkon klientëve të publikojnë gjithashtu informacion, sipas rastit, mbi risqet dhe ndikimet e projektit ose të kryejnë këshillime gjithëpërfshirëse me palët e interesit dhe të marrin në konsideratë e t'i përgjigjen reagimit të tyre.

Më shumë informacion mbi praktikën e BERZH në këtë aspekt jepet në PMS.

Integriteti dhe Përputhshmëria

Zyra e Krye Oficerit të Përputhshmërisë (OCCO) së BERZH promovon qeverisjen e mirë dhe siguron zbatimin e standardeve më të larta të integritetit në të gjitha veprimtaritë e Bankës, në përputhje me praktikën më të mira ndërkombëtare. Të gjithë klientëve e Bankës duhet t'u nënshtrohen kontrolleve të integritetit për t'u siguruar që projektet nuk paraqesin rrisqe të papranueshme integriteti apo reputacioni për Bankën. Banka beson se identifikimi dhe zgjidhja e problematikave gjatë fazave të vlerësimit për miratimin e projektit, është mënyra më efikase për të siguruar integritetin e transaksioneve të Bankës. OCCO luan rol kyç në këto përpjekje mbrojtëse dhe gjithashtu ndihmon me monitorimin e rreziqeve ndaj integritetit në fazën e pas investimit në projekt. OCCO është gjithashtu përgjegjëse për verifikimin e akuzave për mashtrim, korrupsion dhe shkelje në projektet e financuara nga BERZH Kushdo, qoftë pjesë apo jo e Bankës, që ka dyshime prr praktika mashtrimi apo korruptive duhet të paraqesë një raportim me shkrim në adresë të Krye Oficerit të Përputhshmërisë

përmes postës elektronike tek compliance@ebrd.com. Të gjitha çështjet e raportuara do të ndiqen nga OCCO. Të gjitha raportimet, përfshirë ato anonime, do të shqyrtohen. Raportimet mund të bëhen në çfarëdolloj gjuhe të Bankës apo të vendeve ku Banka vepron. Informacioni i dhënë duhet të jepet në mirëbesim.

Politika e Qasjes në Informacion (PQI)

PQI përcakton mënyrën se si BERZH e shpalos informacionin dhe këshillohet me grupet e interesit për të nxitur ndërgjegjësimin dhe të kuptuarit më të mirë të strategjive, politikave dhe operacioneve të veta pas hyrjes në fuqi të saj më 1 janar 2020. Ju lutemi vizitoni faqen e [Politikës së Qasjes në Informacion](#) për t'u informuar mbi informacionin e disponueshëm në faqen e BERZH.

Kërkesat për informacion të veçantë mund të bëhen duke [përdorur Formularin e pyetjeve të BERZH](#).

Mekanizmi i Pavarur për Përgjegjësinë ndaj Projektit (MPPP)

Nëse përpjekjet për të trajtuar shqetësimet mjedisore, sociale, apo të bërjes publike me Klientin apo Bankën nuk kanë rezultat (p.sh., përmes mekanizmit të ankimimit në nivel projekti të Klientit, ose përmes kontaktit të drejtpërdrejtë me ekipin drejtues të Bankës) individët dhe organizatat mund t'i trajtojnë shqetësimet e tyre përmes Mekanizmit të Pavarur për Përgjegjësinë ndaj Projektit (MPPP) të BERZH.

MPPP shqyrton në mënyrë të pavarur problematikat e Projektit që mendohet se kanë (ose mund të shkaktojnë) dëme. Qëllimi i mekanizmit është të: mbështesë dialogun midis palëve të interesit të Projektit për të zgjidhur problematikat mjedisore, sociale dhe të publikimit të informacionit; të përcaktojë nëse Banka vepron në përputhje me [Politikën Mjedisore dhe Sociale](#) apo dispozitat specifike për Projektin të [Politikës së Qasjes në Informacion](#); dhe nëse gjen zbatim të trajtojë çdo devijim nga këto politika, duke parandaluar kështu edhe cdo devijim apo mospërputhje nga ana e Bankës në të ardhmen.

Ju lutem vizitoni faqen e webit për [Mekanizmin e Pavarur për Përgjegjësinë ndaj Projektit](#) për të mësuar më shumë mbi MPPP dhe misionin e tij; si dhe për të [dërguar një kërkesë](#) për rishikim; ose për të kontaktuar MPPP përmes emailit ipam@ebrd.com për më shumë informacion dhe udhëzime mbi mekanizmin dhe dërgimin e kërkesave.